

# KOMINIKE POU LAPRES

Anbasad peyi Etazini Damerik  
Biro Zafè Piblik



Taba 41, Boulva 15 oktòb  
Pòtoprens, Ayiti  
Tél: 2229-8351 / 2229-8903

Nan dat 4 septanm 2015  
No. 2015/38

## **Bato Lopital «USNS Comfort» lamarin peyi Etazini pral bay swen medikal gratis nan Pòtoprens, sòti 11 pou rive 18 septanm**

Nan kad asistans peyi Etazini ap kontinye bay pèp ayisyen an, Anbasad Amerikèn nan Pòtoprens kontan anonse ke Bato Lopital lamarin peyi Etazini-an ki rele «USNS Comfort» ap vin vizite peyi Dayiti nan kolaborasyon ak Ministè Sante Piblik ak Popilasyon.



Misyon bato lopital-la pou lane 2014-2015 lan rele «Continuing Promise». Se yon lòt egzanp kokennchenn angajman gouvènman peyi Etazini genyen ak pèp ayisen-an, patikilyèman nan zafè swen medikal.

Bato sila pral bay swen medikal gratis nan Pòtoprens nan baz Amiral Killick Gadkòt ayisyen yo (nan Bizoton), ak nan Lopital St-Luc (nan Taba 41), sòti 11 septanm apati 8:00 nan maten pou rive jou kap 18 septanm. Chak jou, doktè yo pral konsilte pasyan jiskadke yo pa ta kapab ankò. Se moun ki rive anvan, yap resevwa anvan. Swen medikal yo gen ladan yo swen jeneral, swen pou timoun, swen pou dan, swen pou je, swen pou zo ak lòt ankò. Ekip sipòte bato lopital «Comfort» a pral travay ak patnè ayisyen yo pou bay sèvis veterinè, travay sou pwojè konstriksyon. Yap patisipe nan echanj medikal tou.

(Tèks la fini)